



Bible for pikin dem
di show

Time way Papa God
be make all tin



Na write am: Edward Hughes

Na describe am: Byron Unger; Lazarus
Alastair Paterson

Na match am: Bob Davies; Tammy S.

Na translate am: christian-translation.com

Na produce am: Bible for Children
www.M1914.org

©2021 Bible for Children, Inc.

License: You get right for copy or print this
tori so far as you no go sell am.



Na who make we? Na Bible, Papa God e tok, tok the way way man pikin start. Some long long time ago, Papa God make the first man pikin and call e name say Adam. Papa God use na dust for dis earth make Adam. Time way Papa God put life inside Adam, e start live. E meet up e self inside some fine garden

way dem di call am say Eden.




Before papa God make Adam, E be don make some beautiful world way e flop am with plenty fine tins dem. Small small papa God make place dem with hill and grassland, fine flowers and big big tree dem, shinning birds and bees dem, whales and snails dem.

In short, papa God
make all tin dem.




For the very start
before papa God be
make all tin dem, notin
no be dey apart from
papa God. No pipo, no
place and no tin dem.
Notin. No light and
dark places. No up
and no down. No
yesterday and no
tomorrow. Na only
papa God no be get
beginning. And den
papa God act!



For the start, papa God be make
earth and heaven.




And earth be just dey wit
no shape. And black
places be dey
all side. Den
papa God
tok. "Make
light
came."



And na so light came. Papa God call de light Day
and call the black place Night. And evening time
and morning time bin be na number one day.



For number two day, papa God bring water for oceans, seas and lake dem for order under heaven.
For number three day, papa God tok, "Make dry ground show." And na so e show.



Papa God too order grass and flower dem and shrubs and trees dem for show. And na so dem show. Den evening time and morning time bin be na number three day.



Papa God make sun, moon and
plenty plenty stars dem way no
man no fot count am. Den
evening time and morning time
bin be na number four day.



Tins dem way di stay inside sea and fish and birds dem bin be na the next tin dem for papa God e list. For number five day E make big big fish and small one dem like sardines, big big birds and small one dem. Papa God make all kind fish for flop all water dem and all kind birds dem for enjoy ground and sky. Den evening time and morning time bin be na number five day.



After that, papa God tok again. E tok say, "Make ground bring living tins dem..." All kind animal and insect wit reptile dem show up. Big big elephants dem and other big big animal dem be too show. Monki and crocodile dem. Wom dem wit giraffes and pussycat dem too show. On dat day, papa God make all kind animal dem.

Den evening time and morning time bin be na number six day.



Papa God do some different tin for number six day
- some very special tin. All tin dem now be ready
for man pikin. Chop all side and animal dem for dey
wit e. Den papa God tok, "Make we make man
for wa picture. Make e be
commanda for all tin dem for
this ground." NA SO PAPA
GOD MAKE MAN FROM
E OWN PICTURE;
FOR PICTURE FOR
PAPA GOD E
MAKE MAN ...




Papa God tok for Adam. "Chop anytin way you like am for garden. But no chop notin from tree way di give sens for fine and bad tin. If you chop from dat tree you go surely die."



And Papa God tok say, "E no fine say make man pikin stay e one. I go give am helper." Papa God bring all bird dem and animal dem for Adam.

Adam give dem name. E bin over get sens for do dat kind tin.

But inside all dis bird and animal dem, no one nobi be correct for stay with Adam.



Papa God put Adam inside some big big sleep. Den
move one of e rib dem use am make Woman dey.
The woman way papa God make
am bin be correct for
stay wit Adam.



Papa God take na six days for make all tin dem. Den papa God bless number seven day say na day for rest. Inside garden for Eden, Adam and Eve way bin be na e woman bin get fine joy as dem be di follow papa God e tok. Papa God bin be na their PAPA, their Provider and their Friend.



Time way Papa God be make all tin

Tori from Papa God e tok, way na Bible,

dey inside

Genesis 1-2

"When you tok dem di enter e di bring light."

Psalm 119:130



The End



Dis tory for bible di tok for we sika wa wandaful
God way make we and way want am say make you sabi yi.

Papa God sabi say we don do bad tins dem, way e di call am say
sin. Punishment for dis bad tin na die, but papa God like we
sotey e send e only boy pikin, Jesus, for came die for cross for
sika our bad tins dem. After Jesus wokop for die den go him
back for Heaven! If you mimba for Jesus and ask e for forget
all your bad dem, e go do am! E go cam stay wit you
just now, and you go di stay with e for ever.

If you mimba say dis one na true, tok dis one for papa God:
Papa Jesus, I mimba say you be na Papa God, and you
become man pikin for die for sika my bad dem, and now you
di live again. Abeg came for inside my life and forget
all my bad dem, so dat I fit get another life just now, and
one day I go be wit for ever. Helep me for obey you
and stay wit you like your pikin. Amen.

Call Bible and tok all day wit papa God! John 3:16

